



**LI
KACOLBAL
Q'UEBIL
XBAN
LI DIOS**

**MOCO RE C'AY TA—
YAL RE XSIHINQUIL**

Li Hu a'in

“LI KACOLBAL Q'UEBIL XBAN LI DIOS”

xc'aba', cuan na'bal rakal li Ratin li Dios chi sa'.

Natauman sa' li Santil Hu. Li junjunk chi página chirix jalan jalank naatinac ut cuan cuib oxib rakal li Ratin li Dios li naxch'olob xyalal. Ninc'oxla nak li Santil Hu naxch'olob chi tz'akal xyalal.

Li Ratin li Dios musik'anbil xban li Dios ut a'an natenk'an re chi tz'akal li naxsic' li tiquilal. Cui ani naxyot' xch'ol, naxcanab li macobc, ut naxpab li Kacua' Jesucristo chok' aj colol re, li Kacua' ajcui' naxc'utbesi li xyalal chiru ut naxq'ue xsahil xch'ol ut li tuktuquil usilal. A'an li xinc'ul lain sa' li chihab 1937. Lain ma jun sut xincanab li Kacua', cuanquin ban chi sum atin riq'uin chalen toj anakcuan. Cui maji' nacapab li Kacua', nintz'ama chaciüu nak tapab anakcuan.

— Watson Goodman (1920-2002)

San Juan 3:16

Jo'ca'in nak quixra li Dios li ruchich'och, nak quixq'ue chak li Ralal junaj chi ribil, re nak chixjunil ani tapabank re a'an, inc'a' tasachk, cuank ban xyu'am chi junelic.

Romanos 5:8

A' ut li Dios naxc'utbesi karah-bal, xban nak toj aj maco ajcui' chak nak quicam li Cristo sa' kac'aba'.

Jeremías 31:3

Li Kacua' najter qui-atinac cui-q'uin ut quixye cue: Lain junelic nacatinra ut riq'uin xnimal incu-yum xcüuxtana açüu.

San Juan 13:1

Rubel li nink'e pascua xc'aba', li Jesús naxnau nak xcüulac xk'e-hil re tixcanab a ruchich'och' a'in, ut taxic riq'uin li Yucua'bej; jo' nak quixraheb li re li cuanqueb sa' ruchich'och', quixraheb toj sa' roso'jic.

Apocalipsis 1:5

Ut riq'uin li Jesucristo li chabil aj ch'olobahom xyalal, lix ben alalbej quicuacli chi yo'yo sa' xyankeb li camenak, a'an li cuan xcuanquilal chixbeneb li rey sa' ruchich'och', a' li quirahoc ke, ut coxch'ajobresi re risinquil li kamac riq'uin lix quiq'uel.

1 Timoteo 3:16

Relic chi yal, k'axal lok' li kapabal mukmu nak quicuan: Li Dios a'an quitz'ejcualo', ut ac xakabanbil xcuanquil riq'uin li Musik'ej, ac ilbil ru xbaneb li ánjel, ac julticanbil resil sa' xyankeb li tenamit, ac xpabac sa' li ruchich'och', ac xc'ule' takek' sa' choxa.

San Juan 14:7-10a

Cui ta nequenau cüu lain, nequenau aj rajcui' ru lin Yucua'; anakcuan ut nequenau ru, ut erilom ru. Laj Felipe quixye re: Kacua', c'utbesi chiku li Yucua'bej, ut riq'uin a'an tac'ojlak kach'-ol. Li Jesús quixye re: Najter nin-

oc sa' eyank ut ¿ma toj maji' nacau cüu, a Felipe? Ani na-iloc cüu lain, a'an naril ajcui' ru li Yucua'bej. ¿C'a' put nak nacaye laat: C'utbesi chiku li Yucua'bej? ¿Ma inc'a' nacapab nak lain cuanquin riq'uin li Yucua'bej, ut li Yucua'bej cuan cuiq'uin?

San Juan 1:1 ut 14

Sa' xticlajic ac cuan chak li Atin, ut li Atin cuan chak riq'uin li Dios, ut li Atin a'an ajcui' chak li Dios. . . Li Atin a'an quitz'ejcualo' ut quicuan sa' kayank, numtajak li usilal ut li yal riq'uin; lao co-iloc re lix lok'al, jo' xlok'al li junaj chi C'ajolbej taklanbil chak xban li Yucua'bej.

San Mateo 17:5

Toj y^o ajcui' a'an chi atinac nak quichal jun li saki chokl qui-mukuc reheb. Ut jun li atin sa' li chokl quixye chak: A'in li Cualal ninra, riq'uin a'an nasaho' sa' in-ch'ol; a'an chera'bihak.

San Lucas 1:35

Quichak'oc ut li ánjel, quixye re: Li Santil Musik'ej tachalk sa' la ben, ut lix cuanquil li nimajcual Acua'bej tamu^{en}k acue. Jo' ajcui' li santil c'ula'al tayo'lak, Ralal li Dios tixc'aba'in.

Isaías 9:6

Jun li C'ula'al xyo'la chok' ke. Jun li Alalbej xq'uehe' ke xban li Dios, ut a'an li tataklaⁿk sa'

xben chixjunil. Ut lix c'aba' te'x-q'ue a'an sachba-ch'olej ut aj q'uehol na'leb, li Dios li k'axal nim xcuanquil, li Yucua'bej chi junelic k'e cutan ut aj q'uehol tuktuquil usilal.

San Juan 10:36

Lain li xinixsantobresi ut xini-xtakla chak li Yucua'bej sa' ru-chich'och', ¿c'a'ut nak neque'ye cue nak xinjuntak'eta cuib riq'uin li Dios? xban nak xinye: Lain Ralal li Dios.

1 Juan 4:15

Chixjunil li ani tach'olobank re nak li Jesús a'an li Ralal li Dios, li Dios cuan riq'uin a'an, ut a'an cuan riq'uin li Dios.

LI JESUS NAXYE KE ANI A'AN

San Juan 13:13

Laex, aj Tzolonel ut Kacua' nequeye cue. Ut yal li nequeye, xban nak lain ajcui'.

San Juan 8:23

Quixye li Jesús reheb: Laex aj tak'a, lain takek' xinchal chak. Laex aj ruchich'och'ex, lain macua'in aj ruchich'och'.

San Juan 9:5

Jo' najtil cuankin sa' ruchich'och', lainak xcutan li ruchich'och'.

San Juan 10:7

Quixye ut cui'chic li Jesús reheb: Relic chi yal tinye ere: Lain roquebaleb li carner.

San Juan 8:58

Quixye li Jesús reheb: Relic chi yal tinye ere: Toj mac'a'ak chak laj Abraham, ac lain ajcui' chak.

San Juan 6:35

Ut li Jesús quixye reheb: Lain li cua ninq'uehoc yu'am. Ani tachalk cuiq'uin, inc'a' chic tatz'ocak, ut ani tapabank cue, ma jok'e chic tachakik re.

San Juan 11:25

Quixye li Jesús re: Inban lain nak cuan xcuaclijiqueb li camenak ut nacuan li yu'am. Ani napaban sa' inc'aba', us ta camenak, tacuank cui'chic xyu'am.

CUIB OXIB LI MILAGRO QUIXBANU LI JESUS 5

San Mateo 21:19

Ut nak quiril jun xche'el higo chire be, quijiloc riq'uin. Ut ma jun ru quixtau ca'ajcui' lix xak. Ut quixye re: Ma jaruj chic tat-uchink. Sa' junpat ut quichakic lix che'el li higo.

San Mateo 14:19-21

Ut nak ac xtaklaheb li q'uila tenamit chi c'ojlac sa' li pach'aya', nak quixchap li ob chi caxlan cua ut li ca'ib chi car, qui-iloc sa' choxa, quirosobtesi, quixjachi, ut quixq'ue li caxlan cua reheb lix tzolom; ut eb lix tzolom que'xjeq'ui reheb li q'uila tenamit. Ut que'cua'ac chixjunileb, ut que'c'ojla

xch'oleb. Ut que'xxoc li qui-e-la'an cablaju chacach nujenak chi rela' xc'aj caxlan cua. Eb li que'cua'ac cuanqueb na obak mil chi cuink, chi inc'a' q'uehbileb sa' ajl li ixk ut eb li coc'al.

San Lucas 5:4-6

Ut nak quirake' chi atinac, quixye re laj Simón: Jilon toj sa' xchamal li palau, ut q'uehomak le yoy re xchapbal li car. Ut quichak'oc laj Simón ut quixye re: At Tzolonel, xoc'anjelac chiru chixjunil li k'ojoyin, ut mac'a' xkchap; sa' xc'aba' ut la cuatin tin-q'ue li yoy. Ut nak que'xbanu chi jo'can, que'xtz'ap na'bal chi car, ut lix yoyeb yo chi t'upec'.

6 LI JESUCRISTO LI KACUA' AJ YO'OBTESINEL

Colosenses 1:16

Xban nak sa' xc'aba' a'an yo'o-banbil chixjunil li c'a' re ru cuan-queb sa' choxa, ut jo' ajcui' li cuanqueb sa' ruchich'och', li ilbileb ru, ut li inc'a' ilbileb ru; us ta reyebe, us ta li cuanqueb xcuanquilal, us ta laj taklanel, us ta acua'bejeb; chixjunil yo'obanbil sa' xc'aba' a'an ut chok' re a'an.

Hebreos 1:2

Dios. . . Ut sa' roso'jic li cutan anakcuan xoratina sa' xc'aba' li Alalbej, a' li quixxakab chok' aj echal re chixjunil li c'a'ak re ru, ut sa' xc'aba' ajcui' a'an quixbanu li ruchich'och'.

San Juan 1:3

Ut a'an quibanun re chixjunil li c'a' re ru cuan; mac'a' c'a re ru cuan chi macua' ta a'an quibanun chak re.

1 Corintios 1:9

K'axal chabil li Dios, sa' xc'aba' a'an bokbilex chak re nak chexcuank chi sum-atin riq'uin li Ralal li Dios, a' li Jesucristo li Kacua'.

Hechos 2:36

Chixnacua' bi' tz'akal xyalal chixjunil li ralal xc'ajol laj Israel, nak a' li Jesús a'in queq'ue laex chiru crus, a'an xq'uehe' xban li Dios chok' Kacua' ut Cristo.

LI JESUCRISTO AJ RAKOL ATIN SA' XBEN CHIXJUNIL

7

San Mateo 25:32

Ut te'ch'utubak chiru a'an chixjunileb li tenamit. Ut tixjacheb ru li junch'ol sa' xyankeb lix comon, jo' nak laj c'ac'alenel naxjacheb ru li ixki carner sa' xyankeb li telom carner.

San Juan 5:22

Xban nak li Yucua'bej ma ani naxrak atin chirix; quixq'ue ban re li Alalbej chixjunil li rakba-atin.

Hechos 10:42

Ut coxtakla chixch'olobanquil xyalal ut chixjulticanquil chiruheb li tenamit nak a'an a'in li

q'uehbil xban li Dios chok' aj rakol atin sa' xbeneb li yo'yoqueb ut camenakeb.

2 Timoteo 4:1

Lain ninch'olob chacüu chiru li Dios ut li Kacua' Jesucristo li tarakok atin chirixeb li yo'yoqueb ut li camenakeb, ut ninch'olob chacüu sa' xc'aba' lix c'ulunic ut lix nimajcual xcuanquil.

Romanos 14:10

Ut laät, ¿c'a' nak nacacuech' rix la herman? Ut laät jun chic, ¿c'a' nak nacatz'ektana la herman? Xban nak chikajunilo toxoxakabak chiru li Cristo sa' rakba-atin.

CA'AJCUI' SA' XC'ABA' LI JESUCRISTO NOCOCOLE'

Gálatas 3:13

Li Cristo coxcol chiru li raylal quicuan sa' kabēn xban li chak'-rab, quiq'uehe' raylal sa' xben sa' kac'aba' (xban nak tz'ibanbil re-talil: Raylal cuan chixben yalak ani tat'uyubak chiru che').

San Juan 14:6

Li Jesús quixye re: Lain li be, lain li yal, ut lain li yu'am. Ma ani nachal riq'uin li Yucua'bej, ca'ajcui' sa' inc'aba'.

San Juan 8:24

Jo'can nak xinye ere, nak tex-camk sa'eb le mac; xban nak cui inc'a' nequepab nak lainin, tex-camk sa'eb le mac.

Hebreos 5:9

Chi ac tz'akalobresinbil re ru, quicana chi jo'can nak sa' xc'aba' a'an cuank cui' li colba-ib chi junelic chok' reheb chixjunileb neque'paban re.

Hechos 4:12

Ut ma ani chic junak aj iq'uin cuan li colba-ib; xban nak mac'a' chic junak c'aba'ej rubel li choxa q'uehbil reheb li cuink taruk to-colek' cui'.

Hebreos 7:25

Riq'uin a'in junelic naru tix-coleb li neque'cüulac riq'uin li Dios sa' lix c'aba'; junelic yo'yo re taatinak chirixeb.

CA'AJCUI' SA' XC'ABA' LI JESUCRISTO NOCOCOLE'

9

Colosenses 1:12-14

Re nak chextioxink chiru li Yucua'bej, a'an li quixakaban kacuanquil re chotz'akonk riq'uin lix jun cablaleb laj santil pabanel sa' cutan saken. A'an li quicoloc ke chiru lix cuanquilal li k'ojy'in ut coxk'axtesi sa' lix cuanquilal li Ralal rahro xban. Sa' xc'aba' a'an cuan kacolbal xban lix quiq'uel, ut sa' xc'aba' a'an cuan lix cuybal xsachbal kamac.

San Lucas 19:10

Xban nak li C'ajolbej xc'ulun chixsic'bal ut chixcolbal li sachenak nak quicuan.

Apocalipsis 5:9

Ut que'xbicha jun li ac' bich, que'xye: Ac'ulub lix chapbal li hu ut xtehbali sello, xban nak catcamsic, ut riq'uin la quiq'uel ca-coleb li cuink chok' re li Dios sa' xyankeb chixjunil lix tepal li ru-chich'och', jalanjalank ratinabaleb sa'eb coc' tenamit ut xninkal tenamit.

Tito 2:14

Ut a'an quixk'axtesi rib sa' kac'aba' lao re risinquil kiquin chixjunil mausilal, ut re kach'ajobresinquil, re nak laako jun xtenamit tz'akal, yoco chixyalbal kak'e riq'uin xbanunquil chabil c'anjel.

San Mateo 26:28

Xban nak a'in a'an lin quiq'uel re li aq'uil contrato. A'an tahoy-mank re xsachbal xmaqueb na'-bal chi tenamit.

1 Juan 1:7

Ut cui yoco chi bec sa' li cutan saken, jo' ajcui' a'an cuan sa' cutan saken, cuanco chi atin chikibil kib, ut lix quiq'uel li Jesús li Ralal li Dios nocoxch'ajobresi ut narisi chixjunil li kamac.

1 Pedro 1:18, 19

Nequenau nak colbilex chiru li jo'majo'il na'leb quetau quec'ul chak riq'uineb le na' eyucua', mo-co colbilex ta riq'uin c'a'ak re ru na-oso', jo' li oro ut li plat; col-

bilex ban riq'uin xlok'laj quiq'uel li Cristo ruchil xqiq'uel junak carner mac'a' xpaltit ut mac'a' xtz'ajnil.

Hebreos 9:14

Ma toja' ta chic lix quiq'uel li Cristo. A'an sa' xc'aba' li Musik'ej cuan junelic, quixmayeja rib chi mac'a' xtz'ajnil chiru li Dios, ma toja' ta chic a'an tixch'ajobresi le c'a'uxl re xsachbal li camenakil c'anjel, re nak texc'anjelak chic chiru li yo'yoquil Dios.

Efesios 1:7

Sa' xc'aba' a'an cuan li kacol-bal xban lix quiq'uel, cuan xcuy-bal xsachbal li kamac, sa' xc'aba' li rusilal numtjenak nim.

NOCOCOLE' XBAN XPABANQUIL LI CRISTO 11

Efesios 2:8, 9

Riq'uin li rusilal colbilex, xban nak xepab sa' xc'aba' li Cristo; ut a'in macua' ebanuhom laex, yal ematan xban li Dios, macua' riq'uin le c'anjel, re nak ma ani tixnima rib.

Romanos 5:1

Ticobresinbil ut li kach'ol xban xpabanquil li Cristo, xban a'an cuanco sa' tuktuquil usilal riq'uin li Dios sa' xc'aba' li Kacua' Jesu-cristo.

Gálatas 5:6

Riq'uin li Cristo Jesús mac'a' na-oc cui' lix banunquil li circun-

cisión, chi moco li inc'a' xbanunquil, a' yal ban tixye lix pabanquil li Cristo, ut li yaloc k'e riq'uin rahoc-ib.

San Juan 20:31

A ut a'in tz'ibanbibleb retalil, re nak tepab nak li Jesús a'an li Cristo li Ralal li Dios; ut re nak riq'uin lix pabanquil tacuank e-yu'am sa' lix c'aba'.

San Juan 6:28, 29

Ut que'xye re: ¿C'a raj ru takajale nak takabanu li c'anjel naraj li Dios? Quichak'oc li Jesús ut quixye reheb: A'an a'in li c'anjel naraj li Dios nak chepab a'an li taklanbil chak xban.

Salmo 103:11

K'axal nim li ruxtan li Dios sa' xbeneb li neque'xucuan ru ut neque'lok'onin re. Lix nimal li ruxtan chanchan lix najtil li choxa riq'uin li ruchich'och'.

Miqueas 7:18

At inDios, çani chic junak dios jo' laät? Laät nacacuy li mac ut inc'a' nacaq'ue sa' la ch'ol lix mausilal lix comoneb li ralal xc'ajol la tenamit. Laät inc'a' naca-c'ula la josk'il sa' ach'ol. Nasaho' ban sa' ach'ol xban nak nacacüux-tana ruheb la tenamit.

Lamentaciones 3:22, 23

Yal xban lix nimal ruxtan li Kacua' nak inc'a' xoxsach chi ju-

naj cua, xban nak ma jok'e na-oso' li ruxtan. Rajlal cutan naruxtana ku ut tz'akal re ru lix chabilal.

Salmo 103:17

A' ut li ruxtan li Kacua' a'an chalen chak k'e cutan ut mac'a' roso'jic sa' xbeneb li neque'xucuan ru. Ut li rusilal li Dios cuank chi junelic sa' xbeneb li ralal xc'ajol.

Tito 3:5

Coxcol, macua' xban lix tiquilal kach'ol kabanuhom ta chak, sa' xc'aba' ban li ruxtan, riq'uin kach'ajobresinquil, re xq'uehbal kayu'am ut re rac'obresinquil li kamn riq'uin li Santil Musik'ej.

LI DIOS NOCOXBOK RE NAK TOCHALK RIQ'UIN 13

San Mateo 11:28

Chalkex cuiq'uin chejunilex li lubluquex jo'cui' li tacuajenakex, ut lain texinq'ue chi hilanc.

Apocalipsis 22:17

Chalkat chanqueb li Musik'ej ut li Ixakilbej. Li ani naa'bin re chixyehak: ¡Chalkat! Li ani tachakik re chichalk, ut li ani taa-jok, chiruc' li ha' naq'uehoc yu'am chi matan.

San Juan 7:37

Ut sa' roso'jic sa' xanimal xcutan li nink'e, quixakli li Jesús ut quixjap re chixyehbal: Cui ani junak tachakik re, chalk cuiq'uin ut chol-uc'ak.

Isaías 1:18

Chatacuak xyalal li tinye acue, chan li Kacua'. Cui tz'aj ru la cuam xban li mac, lain tinsakobresi nak tincuy la mac. Sak tancanak jo' xsakal li ratz'am que. Cui la mac jo' li caki bon ma jok'e na-el, aban lain tinsakobresi la cuam ut jo' xsakal li nok' tancanak.

Isaías 55:1

Ex cuas cuitz'in, li jo' q'uialex tachakik ere, chalkex cuan cui' li ha'; ut laex li mac'a etumin, chalkex, lok'onkex ut cua'inkex. Chalkex, c'ulmak eruc'a lix ya'al uva ut c'ulumak eleche chi matan.

14 MOCO CHIXJUNILEB TA RALALEB LI DIOS

1 Juan 3:10

Riq'uin a'in na'no ruheb li ralal xc'ajol li Dios, ut li ralaleb xc'ajol laj tza; macua' re li Dios li inc'a' naxbanu li tiquilal, chi moco li inc'a' naxra lix herman.

Romanos 8:14, 15

Xban nak chixjunileb li neque'-beresic xban xMusik' li Dios, eb a'an ralal xc'ajol li Dios. Li Musik'ej xec'ul macua' re cuanc chok' aj c'anjel nak cuankex cui'chic sa' le xiu. Xec'ul ban li Musik'ej re cuanc chok' alalbej c'ajolbej, ri-q'uin a'an at inYucua', chanco re nak nakayaba lix c'aba'.

Filipenses 2:15

Re nak cuankex chi mac'a'ak ek'usbal, chexcuank ban chi ticak le ch'ol, ralalakex li Dios chi mac'a'ak emac, cuanquex sa' xyankeb jun tenamit inc'a' useb ut aj maqueb. Sa' xyankeb a'an nalem-tz'un le saken jo'quex lix saken li ruchich'och'.

2 Corintios 6:17, 18

Jo'can utan chex-elk sa' xyankeb a'an, ut jachomak erib, chan li Kacua'; mech'e' li c'a'ak re ru tz'aj, ut lain tinc'uluk ere. Ut lainak le Yucua', laexak li cualal inc'ajol, chan li Kacua', li k'axal nim xcuanquil.

Proverbios 23:31, 32

**Mara ru li vino. C'ajo' xch'ina'-
usal lix cakal sa' li bis. Sa nak
taçüuc', abanan mokon tatxrahob-
tesi jo' xmay li c'anti' nak nati'oc.**

Isaías 5:11

**Ra chalel sa' xbeneb li neque'-
cuacli toj ek'ela chi oc cui'chic
chi calac. Neque'oc k'ojoyin chi ca-
lac toj retal neque'xsach xna'leb
xban li vino.**

Gálatas 5:19-21

**Uchin c'a'ru lix c'anjel li tz'ej-
cualej: Muxuc caxar, co'betac
yumbetac, tz'ajbetalil, yibej na'-
leb, lok'oninc jalanil dios, tulac,
xiq'ul uchinc, pletic, cakalic, jos-
k'inc, yo'obanc ra xic', cuech'ij-ib,**

**po'oc ru pabanc, socuenc, cam-
sinc ras ritz'in, calac, num cua'ac
num uc'ac, ut c'a'ak chic ru jo'eb
a'in. Ninjultica cheru, jo' ajcui'
xinjultica cheru nak eb li neque'-
banun re a c'a'ak re ru a'in moco
te'echanink ta herens sa' lix ni-
majcual cuanquilal li Dios.**

Romanos 13:13, 14

**Ticak nak chocuank, jo' sa' sa-
ken, mikasub li cutan riq'uin num-
cua'ac ut calac, chi moco riq'uin
co'betac yumbetac, ut c'a'ak chic
ru chi yi'bej na'lebil, chi moco
riq'uin ra xic' ut cakalinc. Tiki-
bomak ban erib riq'uin li Kacua'
Jesucristo, ut mec'oxla xbanun-
quil li c'a'ru naraj le tz'ejcual.**

16 USTA NACACUEC'A NAK US YOCAT, CUI INC'A' NACAPAB LĪ DIOS, INC'A' TZ'AKĀL ACUE ACUU

Proverbios 16:25

Cuan li nac'oxlan re nak us li yō chixbanunquil. Abanan inc'a' us yō ut a'an li nac'amoc chak re li camc sa' xben.

1 Juan 5:9 ut 11, 12

Cui nakapab li yal ch'olobanbil xbaneb li cuink, li ch'olobanbil xban li Dios k'axal cui'chic xcuanquil; a'an a'in li yal li ch'olobanbil xban li Dios, a' li quixch'olob chirix li Ralal. . . Ut a'an a'in li nach'olobaman xyalal, nak li Dios quixq'ue ke li yu'am chi junelic, ut a yu'am a'in cuan riq'uin li Ralal. Li ani aj iq'uin

cuan li Alabej, a'an cuan li yu'am riq'uin; ut li ani aj iq'uin mac'a' li Ralal li Dios, mac'a' li yu'am riq'uin.

1 Timoteo 1:12, 13

Nintioxi chiru li ani xq'uehoc xcacuilal inch'ol, a' li Kacua' Jesucristo, na'no chiru nak lain tz'akal aj pabanel nak xinixxakab sa' lix c'anjel. Ut junxil lain chak aj majecuanel, xic' quicuil ut quinhob li Jesús, a'ban quiruxtana cūu, xban nak xmajelal inna'leb quinbanu cui', xban nak maji'ak ninpab a'an.

Santiago 1:22

Chepabak li naxye li atin, ut moco yalakex ta aj a'binel; riq'uin a'an yal xjunes ajcui' naxsach rib le c'a'uxl.

1 Corintios 6:9, 10

¿Ma inc'a' nequenau nak eb li inc'a' tiq'ueb xch'ol inc'a' te'rechani lix nimajcual cuanquilal li Dios? Mexsach riq'uin a'in: Nak chi moco eb laj co'bet, chi moco eb laj yumbet, chi moco eb laj pabanel jalanil dios, chi moco eb laj muxul caxar, chi moco li neque'xbanu li mac riq'uin rech ixkilal, rech cuinkilal, chi moco eb laj elk', chi moco eb laj rahol ru bihomal, chi moco eb laj calaje-

nak, chi moco eb laj majecuanel, chi moco laj mak'ol re li jalan aj echal re, eb a'in inc'a' te'rechani lix nimajcual cuanquilal li Dios.

Efesios 5:6

Ma ani chibalak'ink ere riq'ui-neb atin mac'a'eb xyalal, xban nak sa' xc'aba'eb li mac a'an josk' li Dios nak tixq'ueheb chixtoj-baleb xmac laj k'etol atin.

1 Juan 3:7, 8a

Ex incoc'al, ma ani chibalak'ink ere: Li ani nabanun re li tiq'ilal, a'an tic xch'ol, jo' ajcui' li Cristo a'an tic xch'ol. Li ani nabanun re li mac, a'an re laj tza, xban nak laj tza yo chi macobc chalen chak sa' xticlajic.

Romanos 5:12

Jo' ajcui' li mac quichal sa' ru-chich'och' xban jun chi cuink, ut xban li mac quichal li camc. Ut li camc quichal sa' xben chixjunileb li cuink, xban nak chixjunileb que'maco'.

Santiago 1:15

Ut ani naxrahi ru junak c'a' re ru, riq'uin a'an nayo'la li mac; ut li mac nak ac xtz'akloc ru, nax-c'am chak li camc.

Romanos 8:6

Lix q'uehbal kac'a'uxl riq'uin li c'a' re ru naraj li tz'ejcualej, a'an re camc; a' ut lix q'uehbal kac'a'uxl riq'uin li c'a' re ru re li

Musik'ej, a'an yu'am ut tuktuquil usilal.

San Lucas 15:32

A'banan tento ajcui' nak xka-banu li nink'e ut xsaho' sa' ka-ch'ol, xban nak la cuitz'in a'in camenak nak xcuan, ut xcuacli cui'-chic chi yo'yo, quisach, ut xtauman chak.

Ezequiel 18:20

Li ani tamacobk tixtoj rix lix mac. Li alalbej inc'a' naru tixtoj rix lix mac lix yucua', chi moco li yucua'bej tixtoj rix lix mac li ralal. Li ani tabanunk re li tiquilal tixc'ul xk'ajcamunquil, ut li ani tabanunk re li masilal tixc'ul ajcui' xtojbal rix lix mac.

LI CRISTO QUIXSACH XCUANQUIL LI CAMC 19

San Juan 11:43, 44

Nak quixye a'in, quixbok chi cau: ¡Lázaro, elen chak! Ut a'an li quicam qui-el chak, bac'boqueb li rok ruk' riq'uin t'icr, ut li ru lanlo sa' jun sut. Li Jesús quixye reheb: Hitomak, ut canabomak chi xic.

San Juan 10:17, 18

Jo'can nak niqinixra li Yucua'bej, xban nak lain tink'axtesi cuib chi camc, re nak tinc'ul cui'chic lin yu'am xca' cua. Ma ani tamak'ok chiciuu lin yu'am, yal ban lain tink'axtesi cuib injunes. Cuan incuanquil chixk'axtesinquil lin yu'am, ut cuan incuanquil chix-

c'ulbal cui'chic. A chak'rab a'in riq'uin lin Yucua' quinc'ul chak.

Apocalipsis 1:18

Lain li yo'yoquin, lain li quincam, a'banan cue'quin ut yo'yoquin junelic k'e cutan. Jo'can taxak. Ut cuan cuiq'uin lix lacuil li camc ut xlacuil lix na'ajeb li camenak.

San Lucas 7:14, 15a

Ut nak quinach'oc, quixtoch' li caxon, ut li te'pakonk re que'xakli. Ut quixye: ¡At ch'ina cuink, acue tinte: Cuaclin! Ut quixc'ojob rib li camenak nak quicuan, quioc chi atinac.

20 LI LAJEB CHI CHAK'RAB Q'UEBIL XBAN LI DIOS

Deuteronomio 5:7-21

Inc'a' naru nacuan jalanil dios acuiq'uin chiciuu lain.

Mayib apech'bil dios chi moco xjalam-uch li cuan sa' choxa, chi moco li cuan sa' ruchich'och', chi moco li cuan sa' ha'. Macuik'ib acuib chiruheb li yibanbil dios, chi moco chalok'oniheb. . .

Mapatz' xc'aba' li Kacua' la Dios sa' yobanbil atin. Li Kacua' Dios moco tixcanab ta chi inc'a' tixtoj xmac li ani tixpatz' lix c'aba' sa' yobanbil atin.

Julticak acue li hilobal cutan re nak oxlok'inbilak chacuu jo' nak taklanbilat xban li Kacua' la Dios. Cuakib cutan tate'anjelak ut taba-

nu chixjunil la trabaj. Sa' xcüuk li cutan a'an jun hilobal cutan chiru li Kacua' la Dios. Mac'a' c'anjel tabanu laat. . .

Chaoxlok'i la na' la yucua' jo' taklanbilat xban li Kacua' la Dios re nak tanajtok' ru la yu'am sa' li ch'och' li yo chi xq'uebal acue li Kacua' la Dios.

Macamsi acuas acuitz'in. Mat-muxuc caxar. Mat-elk'ac. Mat-yoban atin chirix la cuas acuitz'in.

Mara ru rixakil la cuas acuitz'in. Mara ru rochoch la cuas acuitz'in chi moco lix mos cuink chi moco lix mos ixk, chi moco lix xul na-ikan. Mac'a' c'a' chic ru re la cuas acuitz'in tara ru.

MA ANI NARU NAXMUK RIB CHIRU LI DIOS 21

San Lucas 8:17

Ut mac'a' c'a'ak re ru cuan chi mukmu chi inc'a' ta tac'utbesimank, chi moco c'a' re ru tz'aptz'o chi inc'a' ta tanaumank ut inc'a' ta taelk chak sa' cutan.

Job 34:21, 22

Li Dios naril chixjunil li c'a'ru neque'xbanu li cuanqueb sa' ruchich'och'. Naxnau xyehom xbanuhom li junjank. Usta sa' k'ojyin cuanqueb ma bar naru neque'xmuk rib chiru li Dios li neque'banun re li mausilal.

Proverbios 15:3

Li Dios yo chi rilbal chixjunileb li cuanqueb sa' ruchich'och' ut

naxq'ue retal li ani naxbanu li us ut li ani naxbanu li mausilal.

Jeremías 23:24

¿Ani ta bi' taruk tixmuk rib chiciu re nak inc'a' tincuil lain? Xban nak lain cuanquin sa' choxa jo' ajcui' sa' ruchich'och', chan li Kacua'.

Salmo 139:8 ut 12

Yalak bar cuancat laat, at in-Dios. Cui tinxic sa' choxa aran cuancat laat ut cui ta tincubek bar neque'xic cui' li camenak, aran ajcui' cuancat. . . Mac'a' c'a' re ru tixmuk rib chacüu sa' k'ojyin xban nak li k'ojyin cutan ajcui' chacüu. Juntak'et li k'ojyin riq'uin li cutan chacüu laat.

LI SACHENAKEB TE'XTOJ LIX MAC CHI JUNEILC

Apocalipsis 20:15

Ut li ani inc'a' quitacue' lix c'aba' chi tz'ibanbil sa' li hu re li yu'am, a'an quicute' sa' li palau xam.

2 Pedro 3:7

Riq'uin ajcui' ratin li Dios li choxa ut li ch'och' cuanqueb a-nakcuan canabanbileb re li xam, cuankeb sa' xna'aj tojo' yal nak tixtau xk'ehil li rakba-atin ut xk'ehil lix sachbaleb li cuink mau-seb xna'leb.

San Mateo 18:8

Chi jo'can, cui a' la cuok acüuk' taraj xluctesinquil la ch'ol, yoc

ut isi. K'axal us chok' acue nak cuank ayu'am, us ta tokol acuok acüuk', chiru nak ca'ibak acuok acüuk' tatq'uehek' sa' li xam chi junelic.

San Mateo 13:41, 42

Li C'ajolbej tixtaklaheb chak lix ánjel, ut eb a'an te'xmole'a sa' xyankeb li cuanqueb rubel xnimaj-cual xcuanquil chixjunil li neque'-po'oc ch'olej eb li neque'banunc mausilal.

San Mateo 25:46

Ut te'xic eb a'in sa' li tojba-mac chi junelic, ut li tiqueb xch'ol te'xic sa' li junelic yu'am.

1 Juan 4:17

Riq'uin a'in tz'aklojenak ru li rahoc kiquin lao, re nak cacuak kach'ol sa' xcutanquil li rakba-atin. Chanru xna'leb li Kacua', jo'can ajcui' nak cuanco lao sa' ruchich'och' a'in.

Hebreos 9:27

Ut tenebanbil chixbeneb nak alab te'camk li junjunk chi cuink, ut chirix chic a'an aca' chic li rakba-atin.

Hechos 17:31

Xban nak li Dios quixxakab jun cutan, ut aran tarakmank atin chirix li ruchich'och', riq'uin ti-quilal xban li C'ajolbej xakabanbil

xban. Ut chirix a'in quixch'olob xyalal chiruheb chixjunil li cuink nak quixcuaclesi cui'chic chi yo'yo li Jesús sa' xyankeb li camenak.

2 Pedro 2:9

Li Kacua' naxnau xcolbaleb laj pabanel chiru li alec; ut li inc'a' tiq'ueb xch'ol naxcanabeb sa' tojba-mac toj tixtau xk'ehil li rakba-atin.

2 Corintios 5:10

Ut tento nak chikajunilo toxkac'ut kib sa' lix rakbaatin li Cristo, re nak li junjunk tixc'ul xk'ajcamunquil li c'a'ru quixbanu chiru lix tz'ejcual, a' yal ma us, a' yal ma inc'a' us.

Romanos 5:15

A' ut li ma^{tan} moco junta^{k'et} ta riq'uin li k'etba-^{atin}. Xban nak cui na'bal que'cam xban nak qui-k'etoc ^{atin} li jun, k'axal cui'chic quinumta li si-ma^{tan} quixq'ue li Dios, ut quinumta li ka^{ma}tan ri-q'uin li rusilal jun chi cu^{ink}, a' li Jesucristo.

2 Corintios 9:15

¡Bantiox re li Dios sa' xc'aba' li ka^{ma}tan, xban nak numtajenak xlok'al!

1 Pedro 5:5b

. . . Li Dios naxk'eteb rix li k'et-k'et, ut naxq'ue rusilal li cubenak xcuanquil.

2 Corintios 8:9

Ac nequera'bi resil li rusilal li Ka^{cua}' Jesucristo, a'an bihom, nak xban erahbal laex quine'ba'o', re nak riq'uin lix ne'ba'il texbiho-mok'.

Hechos 4:33

Ut eb li apóstol yalyo'queb xk'e chixch'olobanquil xyalal lix ca' cuaclijic chi yo'yo li Ka^{cua}' Jesús. Ut nimla usilal cuanqueb riq'uin chixjunileb.

Romanos 9:16

Chi jo'can ut ma^{cua}' re li na-ajoc raj re, chi moco re li naali-nac, re ban li Dios li na-uxtanan-u.

San Mateo 3:2

Chiyot'ek ech'ol, chan, chejal ec'a'uxl, xban nak lix nimajcual xcuanquil li choxa ac xnach'oc chak.

Hechos 3:19

Chi jo'can nak chiyot'ek' ech'ol chejal ec'a'uxl, re nak tasachmank le mac. Chalel ut chak chabil ut sahil cutan riquin chak li Kacua'.

Hechos 17:30

Li Dios quixcanabeb chi numec' eb li cutan a'an xmac xmajelil xna'lebeb. A' ut anakcuan naxjul-tica chiruheb chixjunileb li tena-mit sa' chixjunil li na'ajej nak te'xyot' xchol te'xjal xc'a'uxl.

Hechos 2:38

Ut laj Pedro quixye reheb: Chiyot'ek' ech'ol jalomak ec'a'uxl, ut tacubsik eha' chejunjunkalex sa' xc'aba' li Jesucristo re tacuymank le mac, ut tec'ul le matan tixq'ue li Santil Musik'ej.

San Lucas 13:3

Tinye ere nak inc'a'. Cui inc'a' ban tayot'ek' ech'ol tejat ec'a'uxl, juntak'et nak tex-osok' chejunilex.

2 Corintios 7:10

Li rahil ch'olej naraj li Dios naxyo'ob li yot'ba ch'olej li jalba c'a'uxl re colba-ib; chirix a'an inc'a' chic na-ux ch'inanc ch'olej. Ut li rahil ch'olej re li ruchi-ch'och' a'an nayo'oban re li camc.

Isaías 55:7

Xcanabak lix mausilal laj mac,
ut li inc'a' useb xna'leb xcanaba-
keb lix maus aj c'a'uxl, ut chalkeb
riq'uin li Kacua' ut taxtanak ru-
heb. Ut li Dios riq'uin lix nimal
xcuyum tixcuy tixsacheb lix mac.

Ezequiel 18:21

A' ut laj mac, cui naxtz'ektana
lix mac quixbau, ut cui tixc'ula
sa' xch'ol lin chak'rab ut cui ta-
cuank sa' xyalal ut sa' tiquilal,
relic chi yal nak cuank xyu'am
chi junelic ut inc'a' tasachk.

Hechos 5:31

A'in quitasic xanimal ru xban
li Dios, ut quixterk'usi xcuanquil
chok' Acua'bej ut aj Colonel; re

nak sa' xc'aba' a'an che'xyot'
xch'oleb che'xjal xc'a'uxeb laj Is-
rael, ut tacuymank lix maqueb.

Apocalipsis 3:20

Cue'quin chire cabl ut yoquin
chi bokoc. Cui cuan junak taa'-
bink re li cuatin, ut tixte li oque-
bal, tin-oc riq'uin ut tintzacank
riq'uin, ut a'an tatzacank cuiq'uin.

San Mateo 6:14

Cui nequecuy xmaqueb li cuink,
tixcuy ajcui' le mac laex le Yu-
cua' cuan sa' choxa.

San Marcos 2:5

Li Jesús quiril nak neque'xpab,
quixye re li yaj sic: At cualal,
xcuyman xsachman la mac.

LI RISINQUIL KIB RIQ'UIN LIX MAUSILAL 27

LI RUCHICH'OCH'

Isaías 1:16

Ch'ajobresihomak le ram ri-q'uin xyot'bal le ch'ol xjalbal le c'a'uxl. Lain inc'a' chic nacuj rilbal nak toj yoquex chi macobc. Canabomak xbanunquil li mau-silal.

Colosenses 3:2

Chexc'oxlak chirix li c'a'ak re ru cuan takek'; mexc'oxlac chirix li c'a' re ru cuan sa' ruchich'och'.

Tito 2:11, 12

Xban nak li rusilal li Dios ac quixc'utbesi rib re kacolbal chikajunil. Naxc'ut chiku xcanaban-quil li mau-silal ut li c'a' re ru narahiman ru sa' ruchich'och',

sa' xyalal ta ban chikanumsihak li kacutan sa' a ruchich'och' a'in, t'icak kach'ol, jo' chanru naciulac chiru li Dios.

1 Juan 2:15, 16

Mera li ruchich'och', chi moco li c'a'ak re ru cuan sa' li ruchich'och'. Cui cuan junak naxra li ruchich'och', moco cuan ta xrah-bal li Yucua'bej riq'uin. Chixjunil li c'a'ak re ru cuan sa' li ruchich'och', a' li mac naxra xtz'ejcual junak, a' li mac naciulac chiru-junak, ut li cuanc sa' k'etk'etil, chixjunil a'an moco riq'uin ta li Yucua'bej nachal, riq'uin ban li ruchich'och'.

Ezequiel 36:26

Tinac'obresi le ram, ut tinq'ue li ac' musik' ere. Cau le ch'ol. Chanchan li pec. Abanan tink'u-nobresi le ram ut tulan chic ta-canak.

San Juan 3:3

Quichak'oc li Jesús ut quixye re: Relic chi yal tinye acue, nak ani inc'a' tayo'lak cui'chic xca' cua, inc'a' taril ru lix nimajcual cuanquilal li Dios.

2 Corintios 5:17

Jo'can ut, nak cui ani junak cuan riq'uin li Cristo, a'an ac'o-bresinbil; lix yu'am quicuan najter ac xnume', anakcuan ac' chic lix yu'am.

1 Juan 5:18

Nakanau nak li ani yo'lajenak riq'uin li Dios inc'a' namacob, li Alalbej yo'obtesinbil xban li Dios na-iloc re, ut inc'a' naalec xban li maus.

1 Pedro 1:23

Yo'lajenakex xca' cuahil, macua' riq'uin iyaj nalaj na-oso', xexyo'la ban riq'uin iyaj inc'a' nalaj na-oso', xban li ratin li Dios, yo'yo ut cuan chi junelic.

1 Juan 2:29

Cui nequenau nak a'an tic xch'ol, chenacuak ajcui' nak li ani naxbanu li tiqulal, a'an ac yo'lajenak riq'uin li Kacua'.

LI CAMC CHIRU LI MAC UT LI YO'LAC RIQ'UIN LI CRISTO

29

1 Pedro 2:24

A'an ajcui' li Cristo quijkanin re li kamac sa' lix tz'ejcual, quix-c'ameb chiru li crus che'. A'in aj-e nak quicam, re nak inc'a' chomacobk, ut tacuank kayu'am sa' li tiquil ch'olejil. Riq'uin lix yoc'olal xexq'uirtasic cui' laex.

Efesios 2:1 ut 6

Ut quexxyo'obtesi laex nak toj camenakex xban le k'etba-atin ut le mac. . . Kochben a'an coxcuaclesi chi yo'yo, ut coxq'ue chi c'oj-lac sa'eb li choxahil na'ajej riq'uin li Jesucristo.

Colosenses 3:1

Cui cuaclijenakex chi yo'yo erochben li Cristo, sic'omak li c'a' re ru cuan takek', bar cui' cuan li Cristo, c'ojc'o' chak chi xnim uk' li Dios.

Romanos 6:2 ut 11

Xban nak lao, li camenako chiru li mac, ¿chanru nak toj cuanko cui'chic sa' li mac? . . . Jo'can ajcui' laex, chic'oxlahak nak relic chi yal chanchanakex camenak chiru li mac, a'ban yo-yoquex chok' re li Dios sa' xc'aba' li Cristo Jesús li Kacua'.

San Juan 5:24

Relic chi yal tinye ere, nak ani naa'bin re li cuatin ut naxpab li quitaklan chak cue, cuan xyu'am chi junelic. Ut inc'a' taxic sa' tojba-mac, camenak nak quicuan, a'banan yo'yo chic.

San Juan 17:3

A'in ut li yu'am chi junelic: Nak te'xnau aciu laat li junajat chi tz'akal Dios, ut li Jesucristo li catakla chak.

San Juan 3:36

Ani napaban re li Alalbej cuan xyu'am chi junelic. A' ut li inc'a' napaban re li Alalbej, inc'a' taril ru li yu'am, a'ban chic lix josk'il li Dios cuan chixben chi junelic.

Gálatas 6:8

Ani taauk chok' re lix tz'ejcual, riq'uin lix tz'ejcual tixxoc li nak'a; a' ut li taauk chok' re li Musik'ej, riq'uin li Musik'ej tixxoc li junelic yu'am.

Romanos 6:23

Xban nak lix tojbal li mac a'an li camc; a' ut li kamatan xban li Dios a'an li junelic yu'am riq'uin li Kacua' Jesucristo.

San Juan 3:14, 15

Ut jo' ajcui' nak quixtaksi li c'anti' laj Moisés sa' li chaki ch'och', jo'can ajcui' nak tento taksik li C'ajolbej, re nak chixjunil ani tapabank re, inc'a tasachk, cuank ban xyu'am chi junelic.

Gálatas 4:6

Riq'uin ut nak læx alalbej c'a-jolbej, li Dios quixtakla chak lix Musik' li Ralal sa' le ch'ol; ut a'an yo chixyehbal: ¡At in Yucua'!

Romanos 8:16

Xban nak a' ajcui' li Musik'ej rochben li kamn læo neque'xch'o-lob xyalal nak læo ralal xc'ajol li Dios.

1 Juan 3:18, 19

Ex incoc'al, morahoc yal chi atin, chi moco yal chi xtz'umal ke, chorahok ban riq'uin kayehom kabanuhom ut chi tz'akal yal. Ut

riq'uin a'in nakanau nak cuanco sa' li yal, ut cau kach'ol riq'uin li Dios.

San Juan 14:21

Ani aj iq'uin cuan lin chak'rab ut naxc'ula sa' xch'ol, a'an ut li narahoc cue. Ut ani narahoc cue, tarahek' xban lin Yucua', ut lain tinra ajcui', ut tinc'utbesi cuib chiru.

Isaías 32:17

Xban li tiquil ch'olej cuan li tuktiquilal. Sa' xc'aba' li tiquil ch'olej tacuank xtuktiquilal li kach'ol ut tacuank xcacuilal li kach'ol chi junelic.

NAK CUAN LI CRISTO KIQ'UIN NAXQ'UE SAHIL CH'OLEJ

Romanos 14:17

Sa' lix nimajcual cuanquil li Dios moco a' ta yal naxye li cua'ac uc'ac, a'ban yal naxye li tiquil ch'olej, tuktuquil usilal, ut li sahil ch'olej xban li Santil Musik'ej.

San Juan 17:13

A' ut anakcuan xic cue acuiq'uin. Ut ninye a'in sa' li ruchich'och', re nak tatz'aklok ru lix saho'jic inch'ol sa' lix ch'oleb.

Gálatas 2:20

Rochben li Cristo q'uehbilin chiru crus, inc'a' chic yo'yoquin lain, a' chic li Cristo yo'yo sa' li

cuamn. Ut lin yu'am cuan anakcuan sa' li ruchich'och', cuan chic riq'uin nak ninpab li Ralal li Dios, a'an li quirahoc cue ut quixk'axtesi rib sa' inc'aba'.

San Juan 15:11

Xinye ere a c'a'ak re ru a'in, re nak chisahok' sa' ech'ol jo' nak xsaho' ajcui' sa' inch'ol lain; ut chi jo'can chitz'aklok ru lix sahil sa' le ch'ol.

Salmo 16:11

Laat nacatc'utuc chicüu lix behil li yu'am. Numtajenak li sahil ch'olejil natauman acuiq'uin. Ut li sahil ch'olejil nacaq'ue cuan chi junelic.

2 Tesalonicenses 1:7-9

Ut laex li yoquex chixc'ulbal raylal textojek' riq'uin eq'uehbal chi hilanc kochben nak tixc'utbesi chak rib toj sa' choxa li Kacua' Jesús, rochbenak chak eb lix án-jel cuanqueb sa' xcuanquilal, riq'uin rak' xam tixtoj xmaqueb li inc'a' neque'xnau ru li Dios jo'cui' li inc'a' neque'xpab lix evangelio li Kacua' Jesucristo. Lix rahobtesinquileb a'an li sachc chi june-lic, ut te'isik chiru li Kacua' ut chiru lix nimal xlok'al lix cuanquilal.

Romanos 2:13

Macua'eb laj a'binel re li chak'-rab li tiqueb xch'ol chiru li

Dios, a'baneb laj pabanel re li te'ticobresik xch'ol.

1 Samuel 12:15

Abanan cui inc'a' nequepab li Ratin li Kacua' Dios, ut cui nequek'etk'eti erib chiru lix chak'-rab, li Kacua' Dios tarahobtesink ere jo' nak quixrahobtesiheeb le na' le yucua'.

Romanos 6:16

¿Ma inc'a' nequenau nak ani nequeq'ue cui' erib chi c'anjelac re xpabanquil, laex aj c'anjel re a'an li ani yoquex chixpabanquil, us ta sa' li mac naxc'am chak camc, us ta riq'uin li pabanc nax-c'am chak li tiquil ch'olej?

Filipenses 2:11

Ut re nak chixjunileb te'xch'olob riq'uin li ru'uj rak' nak li Jesucristo a'an li Kacua', re xlok'o-ninquil ru li Dios Yucua'bej.

San Mateo 10:32, 33

Yalak ani ut tach'olobank cuesil chiruheb li cuink, lain tinch'olob ajcui' resil a'an chiru lin Yucua' cuan sa' choxa. Yalak ani tayehok reheb li cuink nak inc'a' naxnau cüu, tinte ajcui' lain nak inc'a' ninnau ru chiru lin Yucua' cuan sa' choxa.

Romanos 10:9, 10

Nak cui tach'olob riq'uin lix tz'umal acue nak li Jesús a'an li Kacua', ut tapab chi anchal ach'ol

nak li Dios quicuaclesin re chi yo'yo sa' xyankeb li camenak, tat-colek'. Ani naxpab chi anchal xch'ol, taticobresik xch'ol, ut aninach'oloban xyalal riq'uin xtz'umal re, a'an tacolek'.

2 Timoteo 2:12

Cui yoco chixcuybal li ra-sa, kochbenak nak tacuank kacuanquil. Cui nakatz'ektana, toxtz'ektana ajcui' a'an.

San Lucas 9:26

Ani taxutanak inban lain ut chirix li cuatin, chirix a'in taxutanak ajcui' li C'ajolbej nak tachalk chak sa' lix nimajcual lok'al, ut lix nimajcual lok'al ajcui' li Acua'bej ut eb li santil ánjel.

San Mateo 4:1 ut 10, 11

Li Jesús quic'ame' xban li Musik'ej sa' li chaki ch'och' re taya-lek' ralenquil xban laj tza. . . To-ja' nak quiyehé' re xban li Jesús: Elen chiciüu, laät aj Tza; xban nak jo'ca'in tz'ibanbil retalil: A' li Kacua' la Dios talok'oni, ut ca'ajcui' chiru a'an tatpabank. To-ja' nak quicanabac xban laj tza. Ut aca' chic eb li ánjel que'cüulac ut que'c'anjelac chiru.

2 Tesalonicenses 2:9

Ut lix c'ulunic laj k'etol chak'-rab a'an riq'uin li tixbanu laj Tza, tacuank xcuanquil ut tixc'ut retalil chixbanunquil sachba-ch'olej aj na'leb sa' balak'.

2 Corintios 2:11

Re nak inc'a' toxbalak'i laj Tza; ch'olch'o chiku li c'a'ru naraj xbanunquil.

Efesios 6:11

Chetikibak erib riq'uin chixjunil lix c'anjelabal li Dios, re nak xak-xokex chi cau ut yokex chixcolbal erib chiru lix balak'il laj tza.

Hechos 26:18

Re nak chateheb li rilobal, che'elk chak sa' li k'ojoyin, che'-chalk sa' xcutanquil, che'elk chak sa' xcuanquilal laj Tza, re xpabanquil li Dios; re nak tacuyek' tasachek' xmaqueb, ut tacuank xna'a-jeb sa' xyankeb li santobresinbi-leb riq'uin li pabanc sa' lin c'aba'.

2 Tesalonicenses 2:8

Toja' nak tac'utbesik laj k'etol chak'rab, a' li tacamsik xban li Kacua' Jesús riq'uin lix musik' taelk chak sa' xtz'umal re, ut tasachek' nak taciulak xk'ehil lix c'ulunic.

Santiago 4:7, 8a

Canabomak bi' erib chiru li Dios; ut cacuakex chiru laj tza, ut taelelik cheru. Chexjilok ri-q'uin li Dios, ut a'an tajilok eri-q'uin laex.

Hebreos 2:14

Eb li alalbej c'ajolbej jun ajcui' xtz'ejcualet xquiq'ueleb. A'an quitz'akon ajcui' riq'uin a'in, re xsachbal xcuanquil riq'uin lix ca-

mic a' li cuan xcuanquil sa' xben li camc, a'in a'an laj tza.

Romanos 8:35 ut 37

¿Ani taisink ke sa' li karahbal cuan xban li Cristo? ¿Ma ra xic', malaj rahil ch'olej, malaj xiq'uil ilec', malaj cue'ej, malaj t'usam, malaj xucuac, malaj ch'ich? . . . Sa' chixjunil li ra xic' a'in moco ch'a'aj ta nak takacoloni xk'axbal sa' xc'aba' li quirahoc ke.

1 Juan 3:8

Li ani nabanun re li mac, a'an re laj tza, xban nak laj tza yo chi macobc chalen chak sa' xticlajic. A'an aj-e nak col-elk li Ralal li Dios, re xsachbal lix c'anjel laj tza.

RIQ'UIN LI RAHOC NAC'UTUN LI KAPABAL 37

San Juan 21:16

Quixye cui'chic re xca' cua: At Simón, ralalat laj Jonás, ¿ma ni-quinara? Kacua', laät nacanau nak nacatinra, chan nak quicha-k'oc. Toja' nak quixye re: Chapastoriheb lin carner.

1 Corintios 13:1

Cui lain ninnau ratinabaleb li cujnk ut ratinabaleb li ánjel, ut cui inc'a' ninrahoc, lain chanchanin li ch'ich' natambac xyab, chanchanin li ch'ina campan natzintzot xyab.

San Juan 13:35

Riq'uin a'in chixjunileb te'na-cuok re nak laex intzolom, cui ne-quera erib cheribil erib.

1 Juan 4:20

Cui cuan junak nayehoc: Lain ninra li Dios, ut xic' naril lix herman, a'an aj tic'ti'. Li ani inc'a' naxra lix herman li naril ru, ¿chan put ru nak tixra li Dios li moco rilom ta ru?

Gálatas 5:22, 23a

Ut lix c'anjel li Musik'ej a'an: Rahoc, sahil ch'olej, tuktuquil usilal, cuyuc, chabilal, usilal, pabanc, tulanil, tuktuquilal. . .

1 Juan 3:14

Lao nakanau nak xkacoloni li camc, ut cuanc kayu'am, xban nak nakara li herman. Li ani inc'a' narahoc, toj camenak ajcui'.

38 LIX CUACLIJIC CHI YO'YO LI JESUCRISTO

Hechos 10:39-41

Ut lao lix testigo riq'uin chixjunil li quilajxbanu aran Judea ut Jerusalén. A'an ut que'xcamsi, que'xchirib chiru jun che'. A'an a'in li quicuaclesic cui'chic chi yo'yo xban li Dios sa' rox li cutan, ut quixq'ue chixc'utbesinquil rib, moco chiru ta chixjunileb li tenamit, ca'ajcui' chiruheb lix testigo junxilaj sic'bil ruheb xban li Dios; lao ut li coua'ac ut couc'ac riq'uin nak acak xcuacli chic chi yo'yo sa' xyankeb li camenak.

San Juan 20:26-28

Ut cuakxakibak cutan xnumic a'an, cuanqueb cui'chic sa' cabl eb lix tzolom. Ut cuan laj Tomás

sa' xyankeb. Quic'ulun li Jesús chi tz'aptz'oqueb xpuertil li cabl. Quixq'ue rib sa' xyiheb ut quixye: Lin tuktuquil usilal chicuank eri-q'uin. Ticto quixye re laj Tomás: Ch'ic li ru'uj la cüuk' arin, ut il li cüuk'; chicuil la cüuk' ut ch'ic sa' xc'atk insa'. Ut mak'et atin, chatpabank ban. ¡At inKacua', at inDios! chan laj Tomás nak quichak'oc.

San Marcos 16:9

A' ut nak quicuacli chi yo'yo li Jesús, a'an toj ek'la sa' xben li cutan re li xaman. Xben cua nak quixc'utbesi rib chiru li xMaría aj Magdala, li quirisi cui' eb li cüukub chi mausej musik'ej.

XBAN NAK QUICUACLI CUI'CHIC CHI YO'YO 39 **CUAN C'A'RU NAKAYO'ONI**

Romanos 1:4

**Ch'olobanbil xyälal riq'uin
cuanquil nak a'an Ralal li Dios,
jo' chanru li Musik'ej re santilal,
nak li Jesucristo li Kaçua' quicua-
cli cui'chic chi yo'yo sa' xyankeb
li camenak.**

San Mateo 16:21

**Chalen chak sa' li cutan a'an
li Jesús quixtiquib xch'olobanquil
chiruheb lix tzolom nak tento ta-
xic Jerusalén chixc'ulbal na'bal
chi raylal xbaneb li tixil cuink,
xbaneb lix benil aj tij, ut xbaneb
laj tz'ib; ut nak taçamsik; ut ta-**

**cuaclik cui'chic chi yo'yo sa' rox
li cutan.**

San Juan 5:25 ut 28, 29

**Relic chi yäl tinye ere, nak cha-
lel xk'ehil, anakcuan ajcui' xcutan-
quil, nak eb li camenak te'ra'bi
xyab xcux li Ralal li Dios. Ut eb
li te'a'bink re, te'cuank xyu'am. . .
Misach ech'ol riq'uin a'in; xban
nak çalel xcutanquil nak chix-
junil li cuankeb sa' muklebal ca-
menak, te'ra'bi lix yab xcux. Ut li
us que'xbanu te'cuaclik chak chi
yo'yo re yu'am. Ut li inc'a' us
que'xbanu te'cuaclik cui' chak
chic chi yo'yo re tojba-maç.**

San Lucas 1:74, 75

Re nak mac'a' chic kaxiu ut col-bilako chic chiruheb li xic' ne-que'iloc ke, re nak toc'anjelak chiru li Kacua', sa' santilal jo'cui' sa' tiquilal chi junelic li kacutan.

1 Pedro 1:2

Junxilaj qui-ala sa' xch'ol li Dios Yucua'bej xsic'bal eru, ut santobresinbilex xban li Musik'ej re nak che'pab li Jesucristo, ac quirquisinbilex riq'uin lix qui-q'uel. Ulal ut tuktuquilal taxak chipuctesik sa' eyank.

2 Timoteo 2:21

Cui ani tixch'ajobresi rib riq'uin li c'a'ru inc'a' chabil, a'an jo'ak li

sec' lok' xc'anjel, santobresinbilak ut chabilak xc'anjel chiru laj e-chal re li cabl, cauresinbilak chok' re chixjunil chabil c'anjel.

2 Corintios 7:1

Jo'can ut, ex herman k'axal ne-quexinra, ac cuan chok' ke a ye-chi'inbil matan a'in, kisihak chix-junil lix tz'ajnil li tz'ejcualej ut xtz'ajnil li musik'ej, yokex chix-tz'akalobresinquil re ru li santilal xban xxucuanquil li Dios.

1 Pedro 1:15

Ut li quibokoc chak ere a'an cuan xsantilal, chicuank ajcui' e-santilal laex riq'uin le yehom ebanuhom.

Isaías 35:8

Ut aran t̃acuank jun li be, Xbe-
hil li Santilal tixc'aba'in. Ma jun
aj mac taoc sa' li be a'an. Ca'aj-
cui' li colbileb te'oc aran ut li Dios
taochbenink reheb. Ut li ani te'-
bek aran, usta inc'a' tzolbileb, in-
c'a' te'sachk.

Hebreos 13:12

Jo'can ajcui' li Jesús, re xsanto-
bresinquil li tenamit riq'uin lix
quiq'uel, quixc'ul raylal junpac'al
li oquebal re li tenamit.

Efesios 1:4

A'an ajcui' quisic'oc chak ku
sa' xc'aba' li Cristo junxilaj chak
chiru xc'ojlajic li ruchich'och', re

nak santako ut chi mac'a'ak ka-
k'usbal chiru.

1 Juan 1:9

Cui nakaxoto li kamac, a'an
chabil ut tic xch'ol chixcuybal
chixsachbal li kamac, ut tixch'a-
jobresi li kach'ol re risinquil chix-
junil li kamausilal.

San Mateo 3:11

Yal ajcui' lain nincubsi eha' ri-
q'uin ha' re xch'olobanquil li yot'-
ba-ch'olej li jalba-c'a'uxl. A' ut
li tachalk chak chicuix k'axal nim
xcuanquil chicüu; lix xab a'an
macua' inc'ulub xc'ambal. A'an
tixcubsi eha' riq'uin Santil Musi-
k'ej jo'cui' riq'uin xam.

EB LAJ PABANEL NUJENAKEB RIQ'UIN LI SANTIL MUSIK'EJ

Ezequiel 36:27

Ut tinq'ue ere lin Santil Musik' ut texintenk'a re nak tebanu lin chak'rab. Tec'ula sa' le ch'ol li cuatin ut tebanu li c'a'ru ninye.

Romanos 8:9

A' ut laex moco cuanquex ta jo' naraj li tz'ejcualej; jo' ban naraj li Musik'ej nak cuanquex, cui yal nak lix Musik' li Dios cuan sa' le ramn; ut cui ani mac'a' lix Musik' li Cristo sa' li ramn, a'an moco re ta li Cristo.

San Lucas 11:13

Ut cui laex, li moco chabilex ta, nequenau xq'uehbal li chabil

matan reheb le coc'al, ¿ma toja' ta chic le choxahil Yucua' inc'a' tixq'ue chak li Santil Musik'ej reheb li ani te'tz'amank chiru?

Hechos 1:8a

Tec'ul ut lix cuanquil li Santil Musik'ej tachalk sa eben. Ut laexak chic texch'olobank li yal chicuix. . .

Hechos 4:31

Ut nak que'rake' chi tijoc, quie-c'an li na'ajej ch'utch'uqueb cui'. Ut chixjunileb que'nujac chi Santil Musik'ej. Ut cacueb chic xch'ol chixyehbal li ratin li Dios.

LI YECHI'INBIL REHEB LAJ PABANEL K'AXAL CHABIL

43

Isaías 66:2

Lain xinyiban re chixjunil ut
cue chixjunil li c'a'ru cuan, chan
li Kacua'. Ut te'cüuxtana ru li
tulan ut li neque'xcubsi rib chiciü,
li neque'paban re li cuatin.

Salmo 34:18

Li Kacua' Dios naxtenk'aheb li
raheb sa' xch'ol ut naxcoleb li
neque'xyot' xch'ol chiru.

Apocalipsis 21:4

Li Dios tamesok re lix ya'aleb
ru a'an, ut inc'a' chic tacuank
came, chi moco tacuank chic ya-
bac, chi moco japoc-e, chi moco
raylal; li c'a'ak re ru quicuan xben
cua ac xlaje'nume'.

Salmo 37:3

Pab li Kacua' Dios, ut banu li
us; ut tatcuank sa' li na'ajej li
quinyechi'i acue, ut tasahok'
ach'ol riq'uin xpabanquil li yal.

1 Pedro 4:12, 13

Ex herman k'axal rahroquex,
misach ech'ol sa' xc'aba' li ra xic',
chanchan li xam nak nachal che-
ben re xyalbal le ch'ol, ut mec'ox-
la nak li c'a' re ru a'in ma jun
cua na-ilman. Chexsahok' ban ri-
q'uin nak ca'ch'in ajcui' nequex-
tz'akon riq'uin lix raylal li Cristo,
re nak sa' xc'utbesinquil lix nimal
lok'al, chexsahok' ajcui' chi k'axal
sa sa' ech'ol.

44 LI DIOS NOCOXTENK'A CHIX COLONINQUIL LI ALEC

Santiago 1:12

Osobtesinbil li cuĩnk naxcuy xyalbal rix lix paḃal, xban nak chi ac xyale' rix, tixc'ul lix corõn, a' li yu'am li quixyech'i'i chak li Dios reheb li neque'rahoc re.

1 Corintios 10:13

Toj maji' nachal cheben junak li yaloc-ix k'axal ra ta chiru li nachal chixḃeneb li cuĩnk. K'axal chabil li Dios, inc'a' texxcanab chi yalec' jo' inc'a' tēcuy, tixq'ue aj ban cui' ecolbal nak texyalek' re nak taruk tēcuy.

Salmo 34:19

Nabal li raylal nachal sa' xḃeneb li tiḃueb xch'ol, abanan li Ka-

cua' Dios naxtenk'aheb chixnum-sinquil chixjunil li raylal.

Hebreos 2:18

A'an ajcui' quixcuy li ra, ut quiaje' ralenquil, jo'can nak nim xcuanquil re xtenk'anquileb li neque'yale' ralenquil.

Romanos 8:28

Li Dios naxsuk'isi chok' usilal chixjunil li c'a' re ru chok' reheb li neque'rahoc re, a' li bokḃileb jo' naraj xch'ol li Dios.

Romanos 16:20

Ut li Dios li naq'uehoc tuktuquil usilal tak'etok re laj Tza chi seḃ rubel le rok.

Apocalipsis 2:7

Li ani cuan xxic chira'bihak li c'a'ru tixye li Musik'ej reheb li iglesia. Li ani tixcoloni li raylal, tinq'ue chixtzaca ru li che' naq'ue-hoc yu'am, a' li cuan sa' x-paraíso li Dios.

Apocalipsis 3:5

Li ani tixcoloni li raylal tatiki-bak riq'uin saki ak', ut inc'a' tinsach lix c'aba' cuan sa' li hu re li yu'am. Tinch'olob lix c'aba' chiru lin Yucua' ut chiruheb lix ánjel.

Apocalipsis 3:12

Li ani tixcoloni li raylal, lain tinq'ue chok' rokechal li rochoch lin Dios, ut ma jaruj taelk aran,

tintz'ibak chixben a'an lix c'aba' lin Dios, ut lix c'aba' lix tenamit lin Dios, li ac' Jerusalén; a'an tacobek chak sa' choxa riq'uin lin Dios, ut tintz'ibak ajcui' chixben lin ac' c'aba'.

Apocalipsis 3:21

Li ani tixcoloni li raylal a'an tinq'ue chi c'ojlac cuiq'uin sa' lin nimajcual c'ojaribal, jo' ajcui' nak xincuy lain, ut xinc'ojla riq'uin lin Yucua' sa' lix nimajcual c'ojaribal.

Apocalipsis 21:7

Li ani tixcoloni li raylal tarechani chixjunil li c'a'ak re ru, lainak lix Dios, ut a'anak li cualal.

LI C'A'RU NAXYE LI DIOS CHIRIX LI JACHOC SUMSU

San Lucas 16:18

Ut ani tixjach rib riq'uin li rixakil, ut tasumlak riq'uin junak chic, tixmux lix sumlajic. Ut ani tasumlak riq'uin junak ixk quixjach rib riq'uin xbelom, tixmux lix sumlajic.

1 Corintios 7:10, 11 ut 39

Ninch'olob ut chiruheb li sumsuqueb, macua' lain ninyehoc, a' li Kacua', nak li ixakilbej inc'a' tixjach rib riq'uin lix belom. Ut cui tixjach rib, chicuank chi inc'a' chic tasumlak, malaj ut tixc'am cui'chic rib sa' usilal riq'uin lix be-

lom. Ut li belomej mixcanab li rixakil. . . Li sumsuquil ixk tento nak cuank chiru lix belom a' yal jo' najtil yo'yok lix belom. Ut cui nacam lix belom, a'an chic yal re ani aj iq'uin tasumlak cui', a ban li naraj nak che'xbanu jo li naraj li Kacua'.

San Mateo 5:32

A' ut lain tinye ere nak yalak ani tixjach rib riq'uin li rixakil, chi macua'ak xmac xsum, sa' xc'aba' a'an li ixk tixmux xsumlajic. Ut ani tasumlak riq'uin li ac xjachom rib, tamuxuk sumsu.

Santiago 5:8

Jo'can ajcui' laex, chexcuyuk, checaciubresihak le ch'ol, xban nak lix c'ulunic li Kacua' tana-ch'ok chak.

San Mateo 24:30

Toja' ut nak tac'utunk sa' choxa i retalil li C'ajolbej. Ut toja' nak te'yabak chixjunileb lix tepal li ruchich'och'. Te'ril li C'ajolbej yok chak chi chalc chixbeneb li chokl sa' choxa, riq'uin xcuanquil ut xnimajcual lok'al.

San Juan 14:3

Ut cui tinxic ut tincauresi e-na'aj, tinchalk cui'chic ut texin-c'am cuiq'uin. Re nak bar cuankin lain, aran cuankex ajcui' laex.

Apocalipsis 3:11

Lain tinchalk chi junpat. Li c'a'ru cuan acue, cau chapchok aban, re nak ma ani taxocok re la coron.

San Marcos 8:38

Ani taxutanak inban lain, ut chirix li cuatin chiru a tenamit a'in aj muxul sumsu ut aj mac, li C'ajolbej taxutanak ajcui' chiru a'an nak tol-elk sa' lix nimajcual lok'al lix Yucua' rochbeneb li santil anjel.

San Mateo 24:27

Jo' lix repom cak na-el chak sa' releb sak'e ut naxc'ut rib toj sa' roqueb sak'e, jo'canak ut lix c'ulunic li C'ajolbej.

Apocalipsis 16:15

Lain tinchalk jo' nak nachal laj el'k' chi mac'a' sa' ch'olej. K'axal us xak re li nayo'lec ut tiktok ri-q'uin li rak', re nak inc'a' tabek chi t'ust'u, ut inc'a' tailek' lix xutan.

San Mateo 16:27

Xban nak li C'ajolbej tachalk sa' lix nimajcual lok'al lix Yucua' rochbeneb lix ánjel. Toja' nak tixtoj chi junkaleb jo' chanru lix banuhom.

Hechos 1:11

Eb a'an que'xye ajcui' reheb: Ex aj Galilea, ¿c'a'ut nak yoquex chi iloc sa' choxa? A' ajcui' li Je-

sús a'in xolxoquek' sa' eyank co'o takek' sa' choxa; jo'can cui'chic nak tachalk jo' nak xeril chi xic sa' choxa.

1 Juan 3:2

Ex herman rahroquex inban, lao ralal xc'ajolo li Dios anak-cuan; ut maji' nac'utun chan ta re ru toilok, a'ban nakanau nak jok'e tixc'utbesi chak rib a'an, chanchanako ajcui' a'an, xban nak takil chanru tz'akal na-iloc a'an.

San Lucas 21:27

Toja' nak te'ril li C'ajolbej, yok chak chi chalc sa' chokl sa' xanimal xcuanquil ut xlok'al.

LI RATIN LI DIOS

San Juan 6:63

Li musik'ej a'an li naq'uehoc
re li yu'am; li tz'ejcualej mac'a'
na-oc cui'; ut eb li atin xinye ere,
a'an musik'ej ut a'an li yu'am.

Salmo 119:105

La cuatin nac'utuc chiciuu chan-
ru nak tincuank sa' tiquilal
jo' chanru nak li xam naxcutano-
bresi lin be sa' k'ojoyin.

Salmo 119:11

Sa' li cuam ninc'ula la cuatin,
re nak inc'a' tinmacobk chacuu.

2 Pedro 1:21

Ma jun cua quicuan ratin pro-
feta riq'uin xtak xch'ol li cuink,
ec'asinbil ban xch'oleb li cuink

xban li Santil Musik'ej que'xye
li atin nachal riq'uin li Dios.

San Lucas 21:33

Li choxa taosok' jo'cui' li ru-
chich'och'; a' ut li cuatin ma
jok'e taosok'.

San Mateo 22:29

Toja' nak quichak'oc li Jesús
ut quixye reheb: Nequesach erib
riq'uin nak inc'a' nequenau li
Santil Hu, chi moco lix nimal
cuanquil li Dios.

2 Timoteo 3:16

Chixjunil li Santil Hu a'an mu-
sik'anbil xban li Dios, ut nac'an-
jelac re c'utuc, re k'usuc, re c'u-
banc, ut re q'uehoc na'leb sa' li
tiquilal.

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org



Read booklets online or by App
www.wmp-readonline.org